



Tūhoe

WAIKAREMOANA MĀORI TRUST BOARD

♦ 22/06/09

♦ PANUI 3 (PIPIRI 2009)

PŌTITANGA 2009

Kua takoto ngā ingoa o ngā kaitono tūnga mō ngā pōtitanga a te Poari Māori o Tūhoe-Waikaremoana.

Ruatāhuna

Kua wikitoria katoa ngā kaitono mō tenei rohe, heoi anō tā te Kāwana Tianara he whakamana. Ko te tokowhā nei ko Rongonui Tahī, ko Riki Timoti, Pou Tēmara, me Te Toka Tēmara. Mo ētahi atu rohe, he nui ake ngā kaitono i ngā tūnga, ā ma te pōti hei tohu.

Ruātoki Division

Tokoiwa ngā kaitono mō ngā tūnga e whā - Clifford Waaka, Korotau Tait, Hana Harawira, Hiria Hape, Joshua Kalan, Awhina Rangiaho, Paki Nikora, Kapi Tupe, Tamaroa Nikora.

Maungapōhatu/Waimana Division

Tokoiwa anō ngā kaitono, e whā noa iho ngā tūnga - Max Tēmara, Minnie Tamaki, Clifford Akuhata, Martin Rakuraku, Rangiora Rakuraku, Marie Stewart,

♦ PŌTITANGA 2009

♦ TE HUARAHI PŌTI

♦ KEI TE IWI TE MANA

♦ KUA TIROHIA E NGĀ KAUMĀTUA TE RĒHITA

♦ TŪHOE HAKA

♦ HE PĀKIHI HŌU KEI RUĀTOKI

♦ NGĀ TONO KARAHIPĪ, PŪTEA WHAI MĀTAURANGA 2009

Tūnuiārangi McLean, Richard Tumarāe, Monty Kora.

Waikaremoana

E toru nga tūnga, tokoono ngā kaitono - Tikirau Stevens, Jennifer Takuta-Moses, Arin Mataamua, Neuton Lambert, Kararaina Rangihau, Lance Winitana.

TE HUARAHI PŌTI

Ka tū he pōti-a-pōhi. Ko te Āpiha Whakahoki a Hulton Patchell kua tohungia e te Minita Take Māori hei kaiārāhi i ngā pōti. Ko ngā pepa pōti ka puta a te 22 o Pīpiri. E ono wiki māu hei pōti me te pōhi i ō pepa. Me tae ngā pepa i mua o te 31 Hōngongoi 2009.

KEI TE IWI TE MANA

Mai te tīmatanga o te Poari, koi nei anake te pōtitanga tuarua. Na te rahi o ngā kaitono kua kitea te aro mai a te iwi ki te Poari, ki ngā take a Tūhoe. Nā reira kia kaha mai tatou ki te tautoko i tenei kaupapa mīharo.





KUA TIROHIA E NGĀ KAUMĀTUA TE RĒHITA

I te tari o te Poari, ka tirohia e ngā kaumātua ngā whakapapa o ngā kairēhita ki te iwi. E mihi ana te Poari mo a rātou tautoko. I tū he pō whakakitenga o te whakāri mo Kohine Ponika a *Ka Haku Au* me te rahi hoki o a tātou kaumatua i mōhio ki aia, i haka hoki i tōna taha. Muramura āna ngā karu o Te Uru McGarvey i tana kitenga tuatahi i tōna tū ki mua o Kuini Irihāpeti i te tau 1970. Na te huapai o tēra pō, kua tae te ĭnoi ki te Poari kia tū ano ēnei momo kaupapa mīharo. Kia mau tonu mai.

TŪHOE HAKA

Kua tīmata te whakātu a Whakāta Māori i te Hui Ahurei ā Tūhoe;

- ◆ 22/06/09 Ngāti Haka Patuheuheu
- ◆ 23/06/09 Te Kapa Haka o Tāwera
- ◆ 24/06/09 Koeau
- ◆ 25/06/09 Tairahia
- ◆ 26/06/09 Te Tira Hou
- ◆ 29/06/09 Ruatāhuna kākahu māuku
- ◆ 30/06/09 Waikaremoana
whanaungakore
- ◆ 01/07/09 Tūhoe ki Heretaunga
- ◆ 02/07/09 Waimana Kaaku
- ◆ 03/07/09 Tūhoe ki Taranaki
- ◆ 06/07/09 Te Hono a te Kiore
- ◆ 07/07/09 Tūhoe ki Poneke
- ◆ 08/07/09 Tūhoe ki Kawerau
- ◆ 09/07/09 Ohinemataroa ki Ruatāhuna
- ◆ 10/07/09 Te Tahu o Haokitaha



HE PĀKIHI HŌU KEI RUĀTOKI

Kua hokona e te Poari he pāmu miraka kau kei Opouriao. Kei te taha tonu i tetahi atu pāmu, na te Poari ano, ko Hatupere, he pāmu whakamahia ai hei tauira. Na ngā kaitohutohu a te Poari te whakāro mo te hoko, inā ka āhei te hono i ngā hēte miraka kau e toru, me te whakahōu anō i ngā taputapu e taea ai te miraka kia 2000 ngā kau. Mā tēnei pākihi ka hiki ngā putanga whai rawa, me te taha ohaoha mo Ruātoki, ka whakamahia anō hoki ngā whenua rīhi Māori. He mea nui tēnei mō Tūhoe na te mea ko ēnei etahi o ngā whenua i raupatuhia. Kāti ko ngā whenua mai ngā hiwi i te kuhunga ki te whārua o Ruātoki, atu ki te awa o Whakatāne kei raro i te mana o te Poari, ā na ōna putea tonu i hoko.

NGĀ TONO KARAHIPĪ, PŪTEA WHAI MĀTAURANGA 2009

Ko ngā tono mo te karahipi ā Te Rangihau, me te pūtea whai mātauranga, ka kati a te 30 o Pīpiri 2009. Ko ngā pepa tono kei runga ipurangi www.tuhoe.iwi.nz.

CONTACTS

◆ ADDRESS	1334 Hinemoa St, Rotorua
◆ PO BOX	PO Box 1842, Rotorua
◆ PHONE	(07)348-6911
◆ FAX	(07)346-2912
◆ EMAIL	comms@tuhoe.iwi.nz
◆ WEBSITE	www.tuhoe.iwi.nz